



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XVII. Herr Ditterich von kerkow verkauft dem Closter Himmelpforten den Sehe Plattekow für XVII Pfundt vnd xxij Mark Brandenburgisches Silberss etc. mit allen Rechten vnd gerechtickeit.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

fide digni. In quorum testimonium presens scriptum nostro sigillo fecimus communiri. Datum Turglouu, Anno Domini Millefimo Trecentesimo Decimo Octauo, in die Inuentionis sancte Crucis.

Auscultata et collationata est hec presens Copia cum suo vero originali et concordat cum eo de verbo ad verbum, quod attestor ego supradictus Notarius hoc meo chyrographo.

XVI. Ein Vorfchreybung Tydeke Kerkowfs, darinne er seine Pawren zu Malendorff vonwegen eyner zugefügten gewaldten in dem Closter verpflichtet zu haltung des Scherpingfidsams, So das sie nirgent hin zur Molle fharen sollen, Dan Zu der Scherfins oder Brufenwolder Molle.

In nomine Domini Amen. Nos Dominus Tydeke de Kerkouu ad publicam noticiam omnium deducimus per hec scripta, Quia pro uiolentia et damno illato conuentui Celiporte a uillanis nostris de Malendorp, uidelicet Molendinum, quod Scherpinghefmoln dicitur, uiolenter destruendo, eosdem uillanos de Malendorp, ipsis beniuole consentientibus, perpetuis temporibus obligamus ad infra scripta: Inprimis quod aggerem, qui Scherpingfdam dicitur, suis laboribus et propriis sumptibus sine contradictione cuiuscunque, quotienscunque necesse fuerit, coadiuuent reficere et iugiter reparare usque ad locum, qui Scherpingfuerder theutonice nominatur. Item ut ad molendinum, quod Scherpingefmoln dicitur, ab eis uiolenter nunc contractum uel ad prope situm, quod Brufenuolde mölne dicitur, cumprimum reedificatum nouum fuerit, molere perpetue debeant et teneantur, nec ad alia molendina molendi gratia annonam suam deducere audeant uel presumant. Insuper ut colli haberi possit copia pro reparatione utriusque aggeris, scilicet Scherpinghesdam et Brufenwolderdam, et ad alios usus molendinorum predictorum de loco, qui Scherpingswerder dicitur, prius dicto perpetuam et liberam damus et concedimus facultatem. Si uero post mortem nostram aliquis memoratos uillanos de Malendorp prohibuerit ab aliquo suprascripto, ex tunc quidquid per uiolentiam ipsi meruerint, sicut ex nunc iusticialiter sustinebunt. In horum ergo omnium euidentis et perpetuum testimonium nostrum sigillum presentibus est appensum, presentibus idoneis testibus: domino Petro de Wuthennouu, preposito sanctimonialium in Boytzeneburch, et domino Johanne, plebano in Warte, aliisque pluribus fide dignis. Datum in Boytzeneburch, sub annis incarnationis domini Millefimo trecentesimo XXX, in die palmarum.

Collationata est hec Copia et concordat cum suo originali de Verbo ad verbum, quod attestor ego Erasm. Seidell supradictus No. pub. hoc meo Chyrographo.

XVII. Her Ditterich von kerkow verkauft dem Closter Himmelforten den Sehe Plattekow für XVII Pfundt vnd xxij Mark Brandenburgisches Silberfs etc. mit allen Rechten vnd gerechtickheit.

In nomine Dominj Amen. Cum omnia, que aguntur in tempore, simul a memoria hominum cum tempore dilabuntur, Expediit ut Acta hominum memorie digna literis autenticis et diu ualentibus firmissime roborentur. Nos igitur Dominus Theodoricus de Kerckouu tenore presentium

publice protestamur, quod matura deliberatione prehabita de consensu filiorum nostrorum, Videlicet Petri et Georgii ceterorumque heredum nostrorum iuste et rationabiliter uendidimus domino Abbati Conuentuique Celiporte stagnum Platekouu cum piscationibus et utilitatibus quibuslibet et dominio ac omni iure, et generaliter cum omnibus et per omnia, quemadmodum prefatum stagnum possedimus, predictae Ecclesiae dimittimus et presentibus literis resignamus, renunciantes simpliciter et expresse una cum filiis nostris prenomminatis, quoad nos nostrosque heredes in perpetuum omni iure et omnibus, que possent nobis uel nostris heredibus in iam dicto stagno competere in futurum et hec cuncta et singula ad sepedictam Ecclesiam transferimus, libertate etiam plenaria perpetuis temporibus possidenda, Predictis addicentes: quod si aliquis uel aliqui eandem ecclesiam super eodem stagno impetierint uel inquietauerint, nos eam indemnem promittimus conseruare et priuilegia Marchionum nobis super hoc stagno concessa uacua et irrita presentibus proclamamus. Pro quibus omnibus sepedictus dominus Abbas cum suo conuentu nobis decem et septem talenta Brandenburgensium denariorum et uiginti duas marcas argenti Brandenburgensis penitus perfoluerunt eosque quitos testamur dimittimusque solutos. Propterea literas domini nostri Marchionis Brandenburgensis super plena proprietate stagni Platekouu prefate ecclesiae nos filiique nostri, scilicet Petrus et Georgius, una cum fideiussoribus nostris: Tzabello de Kreuuitze, Henningho Kruse, prefecto in Clauuefshagen, Ludolpho Ditmari permittimus ordinandas et presentandas literas per presentes. In horum testimonium nostrum sigillum filiique nostri Georgij presentibus est appensum. Testes huius sunt: Dominus prepositus Bernhardus in Boytzenborgk, Petrus, dictus de Wutenow, Dominus Nicolaus de Schonenbeke, plebanus in Golmitze, sacerdotes, Ludolphus de Deuuitze, Gherardus de Erichleue, milites, et alij plures fide digni. Datum et actum in Castro Boytzenborch, Anno domini Millefimo trecentesimo XXX, in die Palmarum.

Auscultata et Collationata est hec presens Copia per me Eras. Seidell Notarium publicum supradictum et concordat cum suo uero originali uerbotenus, quod attestor hac mea manu propria.

XVIII. Ein brieff Marggraf Ludwigs Zu Brandenburg Darinne er dem Closter Hymmelpforten den nechstgenannten Sehe Plattekow mitt aller Obrikheit vnd allen Rechten u. f. w., obersten vnd Nidersten, voreigenet vnd Abtritt.

In nomine Dominj Amen. Nos Lodeuicus, de j gratia Marchio Brandenburgensis et Lusacie, Comes palentinus Reni, dux Bauarie, nec non summj imperij Archicamerarius, tenore presentium publice recognoscimus et testamur, quod maturo nostrorum secretorum consilio prehabito diligentj, diuine renumerationis intuitu dedimus et presentibus literis donamus Ecclesiae Celiporte fratribusque ibidem Deo seruientibus proprietatem stagni, quod theutonice dicitur Platekow cum omni iure superiore et inferiore, cum piscationibus utilitatibusque quibuslibet, cum prouentibus, cum metis et distinctionibus suis, cum meatibus et decursibus et terminis suis, et generaliter cum omnibus et per omnia, quemadmodum predictum stagnum Platekouu possedimus, prefate Ecclesiae dedimus et donamus iusto proprietatis ac libertatis titulo, liberum perpetuis temporibus paciter et exemptum, Renunciantes solemniter et expresse omnibus supranominatis et